

思不齋全集

外集卷三



90271

思不辱齋外集卷三目錄

分寧 萬承風

和圃

駢體文

冷芝田大江南北吟稿序

孫小蘭蓮花池吟稿序

嚴母劉太孺人八十壽序

涂裕堂先生六十壽序

萬母衷孺人九十壽序

盧靜菴先生暨配江孺人七十雙壽序

胡母徐太宜人八十壽序

思不辱齋全集

外集目錄

張琴溪先生七十壽序

查淡軒廣文七十壽序

楊蓮峯觀察六十壽序

天然硯銘

袞秘硯銘



方田硯銘

景星慶雲硯銘

荷葉硯銘

陳靜山像贊

劉勝文像贊





劉可恭像贊

墨農伯像贊

汪仰山先生像贊

王母許孺人像贊

胡藜閣暨配程孺人像贊

函璞齋墨贊

祭余淡軒先生文

祭楊養齋先生德配傅恭人文

哭姑以文

恭擬祭禹陵文

思不辱齋全集

外集目錄

祭王半舫先生文

祭劉罕峯文

祭徐筠亭文

祭熊學橋先生文

上田祖禱雨疏

田夫禱

冷芝田大江南北吟稿

後車三載驅同宦轍東西斑管一枝題遍大江南北此冷芝田  
孝廉近歲吟藁所由名而又抑然自慮勿克稱而屬爲之序也  
余維芝田當戊辰之夏自京師爲澄江之遊先弔春申對君山  
之峯聳繼懷王導仰天闕之嵯峨是渡江而南也亭訪綠漪泉  
斟甘井過顧益卿之舊宅拜范希文之叢祠是渡江而北也若  
迺春風駘宕偕登燕子之樓曉日暄妍共泛薈薇之浦經召伯  
埭而緬太傅履淮陰臺而哀王孫是又渡江而北也擁泉比於  
延令濟濟青衿移蕩節於姑溪迢迢白紵余方秉尺而至君復  
揚帆而來是又渡江而南也旣而隱雨巖前想琴高之控鯉落  
思不辱齋全集

外集卷三

星潭畔思靈洗之助蛟遂尋福地於雞籠近摩化石更歷奧區  
於龍洞俯瞰懸崖是渡江而南而北也陟桃閣與杏山梅呂芳  
徽宛在探釀泉與肥水歐蘇遺愛猶存鵲岸驂停遙望偃月之  
塢牛渚裝卸仍還清風之亭是渡江而北而南也蓋江雖以上  
下殊名而地實以錯綜見勢固應吳頭楚尾常誇大壑之雄遠  
嘯高吟時寫雅人之致爾且夫詩陳太史國風辨其方騷著靈  
均楚辭表其俗溫誌題襟於漢上李標甲乙於樊南蜀道兩編  
漁洋典益都而作觀海一卷舟次冊流虬而成自來集以地名  
人難屈指矣而况君詩洋洋灑灑汨汨滔滔挾海涵地負之才  
發雲湧濤驅之概時而波瀾層疊時而崑嶼縈迴時而蕩漾容



與千里一碧時而奔騰澎湃萬鼓齊鳴氣象厥惟侔矣稱名不  
亦宜乎抑余與君生同梓鄉誼託蘭臭喜庚杲之入幕敢云綠  
水依蓮看李固之登程定卜藍袍染柳他日者或禁城接武同  
參著述之班或里閭聯裾並結釣遊之侶偶憶往境重披是編  
不更將瞻此邦以興懷讀舊詩而寄慕哉

孫小蘭蓮花池吟藁序

小蘭茂才前輩莘耜先生之文孫吾師沈文恪公之宅相也其  
說田貽杜氏經史皆通豈惟額類袁公風韻都似清癯比鶴體  
不勝衣天矯猶龍文不加點顧迺困於場屋驥驥步以待時閒  
或發爲詩歌鳥嚶鳴而求友溯余秉衡江左延君校藝幕中紙  
落如飛最工評騭毫揮似掃輒事謳吟拜胡安定之舊祠東浴  
碧海尋蘇長公之遺跡北上黃樓莫不短什流連長篇慨慕旣  
報一官乍徙復欣千里相從擊鉢秋窻牛渚風來渺渺分牋冷  
夜烏江雲壓沉沉體偶做乎少微俯仰齊雲之嶺韻還賡乎永  
叔徘徊聚星之堂蓋閱歷於今三年而編次遂成兩帙嗚呼登  
思不辱齋全集

外集卷三

三

臨勝地頻攄懷古之幽情贈答良朋彌結思親之隱念引商刻  
羽璆然鏗然含英咀華美矣茂矣願我望殊仲寶祇慚綠水紅  
芹多君才擬謫仙不負青山白紵



嚴母劉太孺人八十壽序

蓋聞魯元貴盛開戚畹之重封嚴嫗慈明啟宗門於萬石知絲衣之必顯孟陽外族本自彭城植紫樹而堪旌田慶庭荆復榮天水偶稽門第已極朱輪華轂之崇試咏蘋蘩更備東海京陵之美雲輝珂里北堂之萱草長春宴啟瑤池西之桃花再實疇旣膺乎五福祝宜晉以三多如我嚴年伯母劉太孺人者幼卽端莊長而淑慎九齡握管爭貽博士之名八表成書雅有大宍二日桑遵山昭夜雨以纒絲絮起謝庭伺晨風而覓句泊乎禮八奠雁尹管鳴雞髻擁荆釵共食舉齊眉之菜衣裁金剪停針挑佐讀之燈詞呂子自不久貧寧辭披絮惟灌夫可以偕

思不學齋全集

外集卷三

四

老願備執巾焦勞盥櫛之餘卹其絡緯眈勉醪鹽之側問彼有無至若敬事尊章恩勤弱息泉同躍鯉謹洗手以調羹膽效和熊示子坂而就學相人而供婦職時能得其親心教子以讀父書實克兼乎師道典裳市脯禮重西賓截髮開尊歡盈東道言已徵於無閒娣姒攸宜行必慎乎其餘珩璜益協且仁慈逮於臧獲怒非愬往之逢亦任卹周乎親朋好是知來之贈是以瑤階桂蔚玉圃芝蕃堂聚德星繼家聲於全蜀集編花萼追雅望於次山伯子則餅啖紅綾奪錦與櫻桃之宴羣季亦詞賡白雪揮毫分鸞鴛之毛憶昔接翅瓊林卽遙欽乎淑範於今需銓畫省益熟悉其芳型茲逢介壽之辰正屬祝鳩之歲牙籌八十悅



設龍華浴佛之前珠履三千觴稱葭管飛灰之候占坤儀之允  
協厚德於以能貞仰異象之潛孚清風因而可頌裁箋祝嘏母  
真福人捧檄承歡兒爲仙吏踴躍當官之志思效驪黃丁字贈  
別之言勉爲清白指顧飛鳧作宰春城明一縣之花行看翥鳳  
啣書

北闕湛三霄之露

褒綸特錫映冠帔以流輝

紫誥頻頒聯山河而煥彩斯時也鳴琴多暇日御板輿製錦分  
榮親承翟芾鮮無煩寄人知明府之廉被可安眠士識慈闈之  
儉食何嫌於葱韭甘旨偏豐綵自舞於庭階起居甚適大孺人

思不辱齋全集

外集卷三

五

受斯芻祿含飴八座樂何如之我年友際此純禧愛日三春喜  
可知也某等分儕子姪神契郝鍾末及泛南浦之舟登堂拜母  
竊願借西池之酒獻果承筐書蕪詞於雲母屏中太霞一曲中  
葵祝於麻姑屋裏滄海千年



涂裕堂先生六十壽序

蓋聞峯擎五老彩雲騰紫殿之輝山列雙姑綠水淨丹臺之色  
泛羽觴於狐嶺百丈飛泉採元緒於龍溪千年紀瑞靈巖孕秀  
叶生申碧漢含光祥符降昴溯淵源之有自頌壽考以無疆  
恭惟裕堂先生江右名宗海昏華胄勳猷北宋奏對起承務之  
郎奮跡南唐染翰成豫章之記傳家風於石室錢每償以萬千  
紹舊學於葩經韻更流乎三百紀茲世德堪詠作求育此英才  
方歌未艾以故崢嶸頭角幼卽誇賦奕之奇秀徹風神長更擅  
雕龍之譽擎一枝之彩筆珠玉隨風搜六庫之縹囊球琳耀日  
葵始花而向午豈徒獨秀園林松成幹以摩霄應許儲材殿閣  
思不辱齋全集

外集卷三

六

乃曲高寡和器六難酬負騰蛟夢鳥之才何曾化鳳具抉電鞭  
霆之手竟阻凌雲六典籍以沉酣聊云自適樂煙霞之嘯傲不  
求人知石筍嗟我六躡謝公之屐溫泉香潔時攜袁尹之筇酒  
載越王城邊玉壘六迷頻登樓而弔古詩鐫神仙洞口銀潭月  
印獨掃石以尋幽若夫德藝爲先孝恭是尙汲魚扇枕情更逾  
於所生讓棗推梨訖惟篤乎同氣人言有子聿宏堂上之箕裘  
孰難爲兄爭簇樓前之花萼至於法孝先之急難不暇食而行  
效堯夫之行仁將全舟以贈檢身不及事皆可對人言御物能  
容心實無慚衾影鄉評則高同月旦吾道則望重斗山誠能扶  
大雅之輪允足樹人倫之範備茲隱德爰兆休徵繞膝盡璠璣



琪先珪而耀彩環階森蘭桂儼首侃以騰香是以山曉同年鏡  
兆芙蓉鳳閣啖紅綾之餅花栽桃李銅符縮墨綬之文沛甘雨  
於堯城頌慈君者推本義方之訓澄冰壺於濡水稱廉吏者仰  
懷清白之傳遂乃綵繖遙迎板輿親御庭閒花落揮絃聽宓子  
之琴日永簾垂戲綵製尹何之錦酬庸而從子貴暉答三春錫  
類以表親榮

恩逾兩世鸞迴

紫誥占鵲喜於慈顏雉馴青疇盼鳧趨於神宰茲際三秋之月  
適逢六秩之期堂上珠履三千膝下班衣五色北平雲鶴飛觴  
醉菡萏之池南極星明擘脯宴甘棠之里葉浥蓬山玉露長樂

思不辱齋全集

外集卷三

七

花開香分太液瓊漿延年酒美某家通孔李譜合蕭王瞻青鳥  
之頻飛識蒼松之正茂岡陵是賦敢云黃絹幼婦之詞甲子初  
週用符絳縣老人之祝遙申康爵曷勝頌言



萬母衷孺人九十壽序

蓋聞西池啟宴瓊筵，玉笋之膏南岳呈圖，秘笈耀琅函之軸，瞻巍峯於天姥，瑞衍金閨，燦景曜於靈籙，祥徵繡閣，分來麟脯，無勞倩鳥爪於麻姑，捧出仙桃，佇看降鸞輿於崑母，矧岡陵致詠，疇錫九而適符，鍾郝傳徽，甲己週而逾半，則康寧備膺，其五福而富壽應祝乎，三多恭惟孺人，毓秀名門，鍾靈巨閨，生而穎異，能分蔡女之琴長，更幽閒克賦，君徽之茗盼，蓮花於幕府，定省誰親，沉雁影於衡陽，箕裘孰託，是以憐茲幼女，愛逾掌上之珠，因而選以才郎，喜中屏閒之雀時，旣堪乎宜室，遇且安於食貧，挽鹿車以同歸，少君之清操，足式擁牛衣而共卧，京兆之涕思，不學齋全集

外集卷三

八

泣何庸短服垂垂，不厭綦巾之陋，寒梭軋軋，寧辭組紉之艱，視膳而鯉躍銅瓶，虔同采藻，程書而雞鳴蓬戶，讀佐挑燈，方謂藁砧多才，無難青雲穩步，豈意方臯未遇，竟使綠耳長羈，遂乃屏却毛錐，思充藥籠，丈夫有志策鞭馳

皇路之遙，阿婦能賢，解佩壯征車之色，豈無膏沐香霧，不襲雲鬢，亦有舅姑潔修，惟供菽水，朔風吹漠北，爭名者遠，客於朝，明月鑒空帷，問夜者獨歌於室，望金臺之渺渺，夢寐時依，嗟寶炬之沉沉，神若告音，傳黃犬適符，破鏡之悲淚，灑丹楓，幾化望夫之石，願傷心旅楸，情每矢以身隨，而撫念孤兒，志逾貞乎骨立，采溪邊之蕭草，聊以營生，聳嶺畔之松枝，不爲易葉，至若綜



持家政先妯娒而任作勞廣種福田脫簪弁而行方便購藏書  
以遺令子子鑪鑪教畫荻之勤摘錦字以訓諸孫點領博分甘之  
愛丹山起鳳覽

帝闕以來儀

紫諾迴鸞寵慈闈而

錫命扶節占鵲喜柴門歸客子之鞍轡膝捧

龍章寸草答春暉之德人言母範允堪著美於鄉評我述坤儀  
眞足揚徽於彤管茲屆三陽之月適逢九秩之辰瑤帨方懸好  
繼椒花而獻頌兕觥初介欣斟柏釀以稱觴祝上壽於百齡籌  
期添一晉康年之三爵履已盈千峩峩戴勝之冠雜斑衣而綉

思不辱齋全集

外集卷三

九

采灼灼龍山之炬映寶婺以聯輝某誼屬絲蘿地隣桑梓觀型  
黨里久欽令母之名相土燕平時習佳兒之譽比南音而舞籥  
擬譜朱絃挹北斗以爲漿共歌黃髮看此日齒隆耆耄錦堂萱  
草齊開稱意之花卜他年壽躋期頤紫殿霓裳共唱長生之曲  
遙陳錦幄用佐瑤卮純嘏爾常頌言曷罄



盧靜庵先生暨配江孺人七十雙壽序

蓋聞鹿門偕隱雙鶴可以同棲鴻案相莊伯鸞因而共織子穀我佩揮絃興祝牧之歌著蓆枝牀委畚促蒙山之駕鼓琴瑟而偕老自昔固多好逖篤伉儷以延年於今猶聞佳耦恭惟靜菴先生暨德配江孺人者涿郡名儒濟陽淑女飛鴻有賦堪承武守之清風落絮工吟不讓文通之綵筆惟兩美其必合遂爾好訂絲蘿迨百輶以于歸相與虔供蘋藻力行爲本一堂播順德之和椎髻自安五夜聞機聲之軋惟先生襟懷灑落不溺志於浮名而孺人操作辛勤乃勉勦夫內職醫宗岐伯術妙金液銀丸韻步盈川詩傳鏡鸞釵鳳甘泉流橘井晴浮丹竈之烟孝鯉思不辱齋全集

外集卷三

十

躍銅瓶晚視玉盤之膳却疾拜仁人之賜藉以活者千家指困仰令母之良飲其和者百里以故祥徵竇桂瑞兆荀龍說禮敦詩克懋經邦之畧穿楊貫札更多緯武之才或樹赤幟於黌宮或佩青衿於璧沼或歌鷹揚於卯歲或領鶚薦於丁年莫不健舉聯翩各呈羽扇綸巾之度行見折衝樽俎羣誇虎頭燕領之雄將

頌紫誥於

龍樓

恩崇錫類捧

泥封於珂里禮重榮加益足徵有德之必昌而因以信延洪



之孔厚乎茲際一陽初復之月適逢七秩同壽之辰弧悅高懸  
福隆二老極媠並耀光燦雙星八千歲爲春惟慶叶齊眉斯稱  
上瑞七十杖於國喜甘分繞膝共樂稀年峯聳龍山曉日煥雲  
屏之色沙澄遂水餘波分玉笋之香集朱履以稱觴杯添延壽  
羅斑衣而戲綵曲奏長生某挹令子之光儀欽高堂之懿範德  
門衍慶平頭之甲子方長仁里凝庥並蒂之椿萱正茂鳧趨莫  
遂遙賡天保之章鶴算頻加藉叶華封之祝

思不辱齋全集

外集卷三



胡母徐太宜人八十壽序

蓋聞丹房十二飛輪翻翠水之波紫館三千委佩耀青霜之色  
緘鸞書而展謁崑母西來趣鶴駕以招筵麻姑東降譜璇閨之  
淑範福本由於德徵揚彤管之芳聲壽則因乎仁致恭惟胡母  
徐太宜人者南州女士東海大家少習婦儀卽著幽閒之譽長  
嫻姆訓更傳淑慎之徽揮毫簪美女之花驚鴻舞鶴結彩織天  
孫之錦繡虎描龍迨夫鳳卜初諧鸞膠乍續呈來自璧適生雍  
伯之田檢出紅箋不寄秦嘉之字謝新妝而挽鹿汲甕奚辭甘  
荆布以偕鴻傭春勿惜鴛裁金翦同心挑佐讀之燈鯉躍銅瓶  
況手視初筮之膳勤修婦職克佐蘋蘩俯畜兒曹尤深顧復因  
思不辱齋全集

外集卷三

十一

時而問寒燠能令季不嗟予舉步不懈提攜信屬兒無常母蘭  
芽旣茁情益逾於所生棣萼增榮誼尤敦乎同氣按晨宵而督  
課一經傳舊德之貽離市井以安居三徙慎少成之戒丹山振  
羽無非五色之雛碧幹攢花並簇三珠之樹樽秋風於南浦望  
慰凌雲矢愛日於北堂情殷捧檄廣文官冷曲將菽水之歡阿  
母年高卓樹松筠之節且也園栽桑果莞爾分甘砌長梧桐蔚  
然交蔭趣櫻桃而開宴片玉先占摘紅杏以宜簪同年最少掄  
材香閣荷

九重特達之知列職綱曹標三典平反之望在昔鱣堂請業時  
聞講授於紗幘卽今雲署含香遠最慈明於珂里繞膝盛瑤環



之彥無須李密陳情章身耀翟茀之華且喜升卿作吏每逢家  
宴看玉樹之羅階偶遇芳時奉金萱而御板婆娑醉舞不藉孫  
扶矍鑠隨行無勞杖倚集天倫之嘉慶誠爲福備人間體地道  
之恒貞不愧德傳閩外茲者天開壽宇

皇春屆錫福之辰座敞華筵海屋紀添籌之候祝大齡於八秩  
自古尤稀膺老福於三朝於斯爲盛金花耀目錦堂承

綸綍之輝玉軸怡顏霞帔煥山河之彩奏雲和之雅樂疑逢天  
上神仙樹巾幗之芳型共仰閨中鍾郝望蓬瀛而介壽酒酌延  
年招鹿鶴以同春花銜長樂從此交梨火棗遇乙歲以重陳行  
看綺幄雲箋紀千秋而再祝遙申康爵用紀嘏辭



張琴溪先生七十壽序

籌嬴七十蓬壺占海屋之祥紀衍八千莊圃誌靈椿之壽喜騷人之初度歲恰逢庚徵絳老之華年日還算亥而況二分明月流傳杜牧之詩百里洪濤印證枚乘之賦人間福地天上中秋瞻捧銀盤麝霏金粟淼淼大江東去爭思釀作瓊漿聲聲仙鶴南飛共願吹將玉笛不矜側艷豈尙鋪張請臚撫實之辭用代引年之說維我琴溪先生派衍秦川秀鍾邗上一門清望並高雍睦之風三世寓公不染繁華之習樂天七月早識之無曼倩十三便攻文史編柳爲簡截蒲以書詩則迴雪流風清便宛轉文則涵海負地放恣縱橫固宜藝苑翔聲貴宮振采紀瞻號秀

思不辱齋全集

外集卷三

七

才第一黃童稱江夏無雙矣而乃屢踏槐街未攀梓窟遂權衡夫禹筮恒出入於羽鳩猶復焯掌甘劬聳肩覓趣手訂艱侯萬軸懸來甲乙之鐵眼過周密羣編撰出癸辛之志其績學有如此者至若束身以規洗心如鏡伯淳藹藹四時獨造春和叔度汪汪千頃交推量勝熬波煮雪徧給民資謹石修益益饒國用是以上游借其前箸當局賴爲先籌而先生祇矢撝謙彌崇盛德困羅玉粒指贈鄉閭庫積金錢散施親黨范希文之贍族敦本爲懷王彥方之感人知名亦恥其制行有如此者方尊甫一齋先生之與令叔秋芷松坪兩前輩相友愛也三珠耀彩雙壁齊輝歸自芸臺栽成荆樹展姜家之被霜夜同溫聯蘇子之牀



雨窗共聽初謀小築樓題花萼之名時和清吟集擬壺篋之號  
先生怡怡養志婉婉修容未須賭得香囊偶或矜其蠟鳳躑躅  
蘭陔之暇點每呼參蓑裊竹林之旁咸嘗附籍繼迺封胡羣從  
譽播一堂鄩鄩同胞官登三品龍文婉才於驥子雁行接迹於  
鷓班其善承家慶有如此者城依綠水地敞紅橋修盛典於  
巡方仰

天顏於

駐蹕先生則抒葵傾之懷申芹獻之忱點綴亭臺辟疆園吳中  
擅美安排草木平泉莊天下知名爰迎

鑿輅以將虔得荷

思不辱齋全集

外集卷三

五

宸題而誌寵江山生色至今尙覩輝煌池館含春奕世常標佳  
麗復以入祈

聖壽登沐

殊施崇階晉陟監司旣隆章服

後命且邀賜綬更換頭銜其榮被

國恩有如此者世嘗有席豐履厚極聲色徇馬之娛息交絕遊  
鮮膠漆金蘭之契者惟先生卻嗜欲遠塵囂門停書畫之船鬯  
命漁樵之侶邱延翰技傳石室海角名經廖伯禹號著金精山  
巔縱步松陰十里白雲自流竹響四圍蒼雨欲滴着謝公屐每  
登躡以忘疲扶袁尹節輒嘯歌以舒抱雅愛東山之墅還開北



海之樽或投轄而畱或掃花以待或枕經薛史志恒薦乎討論  
或浴素陶元情自殷乎贈答偶思安道率爾拏舟倘遇子雲欣  
然載酒則山水之緣友朋之樂如此也德配李夫人蕙心蘭質  
瑟詠琴歌匹美青年璜聽步屐相莊白首案舉眉齊拜榮久錫  
夫

鸞封偕老式宜其象服采蘋采藻賡婦職於召南佩章佩玆授  
母箴於堂背篤生詰嗣遠布休聲數逾寶氏五枝邁儼侃爾僖  
之秀經受劉門七業闡戴毛孔鄭之精犀角隣瑯家督妙持總  
計龍門奮迅郎官上應列星更看濟濟孫曾盡露英英器識從  
容延客咸束帶而飄纓嬉戲承顏亦奉槃而撰杖則刑于之化

思不辱齋全集

外集卷三

六

詒厥之謀如此也某心儀雅範耳熟芳型登令子於賢書材收  
杞梓訪伊人於德里誼託苔岑昔在春明披函歷歷昨臨瓜步  
捧袂匆匆堪珍平子之瓊瑤時緬志和之蓑笠茲者辰逢降嶽  
願阻剌觴遙知萊綵騰華定卜霓裳譜曲鹿車雙挽嘉偶婆娑  
鳳瑄齊鳴諸賓雜遝綺瑟赤薤堆從玳瑁筵邊碧藕冰桃處止  
水晶盤裏溯真仙於上洞侍中果秩賜開元俾高會於香山刺  
史渾年符杖國瑞協老人星照同誇鬢鑠之姿祥瞻壽者相成  
待進期頤之頌



查淡軒廣文七十壽序

嘉慶十三年夏月爲淡軒先生七十壽辰維時嵩颺調軫麗旭駐壺金帶亞闌銀鬕疊幃於是進玉門之棗陳綏山之桃八公聯裾九已聚杖媼戚疾也中裁錦牋捧璫危而上壽者戶屢滿焉余屬葭苧少同桑先生之敦懿純固躋艾城爲絳縣環

修水如丹邱也因效古人岡陵之頌侑觴而陳之方先生之幼也奉尊甫虛齋公庭訓岐嶷夙成名教素習之之經授子童烏果奇玉溪之集傳家衰師特秀弱冠卽補博士弟子員以高等食餼入洛則機雲著甚過江惟袁謝哀然戴侍中漢殿解經日奪重產子安滕閣奏賦風送一岬盡以少年負盛名而膠

思不尋齋全集

外集卷三

七

庠之士歛手推服矣厥遇少奇屢試不售迺貢入成均循例授訓導歷攝廣信安義郡邑學博篆鄭不登臺省暫作冷官胡璵之教生徒多升高第其地則鷺湖鹿洞爲朱晦翁講學之鄉丹壁翠厓有李謫仙題詩之石先生蔭槐闢厦流藻通波風熏載酒之亭月坐鼓琴之帳其來也種衫兩袖座各祛衣其去也笠繖千家門生卧轍此亦學優而仕之一徵已其以廣文家居也閉門却掃以詩酒自娛嘗繪獨善軒圖以見志寫梅石蕭閒之况寄林泉恬逸之懷周彥倫白米赤鹽便饒雅致陸魯望筆牀茶竈自號散人余舊爲題句云達善天下窮善身不羨輕肥擁華屋良以孤高自賞耿介不羣對門外之青山煙霞入袖招



雲中之白鶴麋鹿隨笏其素性然也於學無所不窺而專門名家尤邃於舉業少卽有時文藁行世郭璞授五色筆張鷟中萬選錢摘其片鱗翠毛鳳翼韜其采嘗其一鱗麟亭螭髓吐其腴枯腸采爲一令儉腹資爲檀籜在先生爲學之緒餘而其華國而榮世也已如此蓋其學躬行爲本而好義急公樂善不倦尤能人所難其合建忠義祠也則以闡幽潛表范巨卿之貽書存韓長山之題墓其倡建文峯塏也則以應靈淑艷慈恩寺之綵筆識天寧院之朱衣其獨建廢疾院也則捐膏腴之田以給孤老之費魯子敬之待友指粟一囷白香山之庇人裁被十丈以視薛然債券鄭餽戶鍾王內史口給粥餽柳京兆身造婚嫁有思不辱齋全集

外集卷三

六

過之無不及焉州刺史丹陽賀公高其義具詳當事待

旌於朝鄭公之鄉皆賢于氏之門將大蓋以修德無不報積善必有慶曰富曰壽曰康寧福者備也爾熾爾昌爾耆艾壽者酬也魏武詩云養恬之福漢書王吉傳云體有松喬之壽請於先生卜之也他日者迢遙商嶺邂逅洪厓葛僊飛履而降庭梅尉贈丹以煉竈而先生者荷巾葵扇桐帽襪鞋齒漱黃芽手擎碧柰嘯咏於百花洲上徜徉於雙井泉邊黎凍顏春松臞骨古將見祥開蓉鏡屈八旬而疊換頭銜

寵召蒲輪會千叟而同編齒錄云爾



楊蓮峯觀察六十壽序

嘉慶十有七年歲在元默涖灘季夏仲澣觀察楊蓮峯花甲壽辰余以乾隆昭陽作噩之四月生先後距七十日按漢司徒長史段遼叔與東萊守蔡伯起同歲魏武與韓遂同歲晉陶侃與陳敏同郡同歲古所謂同年生也余與蓮峯訂交都下垂三十年縞紵雁行情好肫篤習鄉尚齒雖隔枌榆同道爲朋如馨蘭茝當懸弧之介慶共撰杖以臚歡是用操觚以當製錦成駢體文一篇爲壽云爾

蓋聞軒驂蹀躞崇閎標定國之門跼鄂續紛翕翹蔭高陽之里惟柳公之植矩澤衍箕裘斯寶氏之聯枝輝流芾佩況乎榮被思不辱齋全集

外集卷三

九

爲服

寵襲鸞章蒲輪早協於三徵蓉鏡如開夫四照牒駢甲第躔燭庚垣允宜登壺嶠以陳觥揖厓邱而拍袂碧蓮紺雪斐芬益壽之筵璫珠綰錯采長生之錄易占積慶書訓降康燕集祐以錫申鶴延齡而紀亥矣維我蓮峯晉陽肇胄蜀郡分支彪起關西太尉榮承四世鱣來席上先生瑞應三升慧業呼童吟壇噪傑卽其岐嶷超昂霄聳壑之才加以沈潛掃弄月吟風之習其敦勉夫至行也懷同陸橘感及姜魚扶白髮以婆娑擷絳跣而醵醇始鑿燃糠之壁螢映宵鐙逮舉茹蘘之帷烏馴曉樹藥鎔茶臼循陔拋潘岳之觴桐杖芒鞋鍵戶輟王褒之什寒暑之筮



鑪代換晨昏之几杖時縈偃蹇鵬飛支離鶴立由其天懷矢擊  
子職殫劬古曰完人斯爲碩行云且夫孟燔薛券周指魯園杜  
公之厦千閒白傅之裘十丈往往禮行任卹誼托解推麥舟偶  
逮於交遊棠蔭非通乎道路蓮峯具佛心之普濟厯聖學之安  
行蓋其地控馭長城表延太華井陘旣峻棧閣同紆自尊甫士  
藩先生念切險巇首加攘剔迺克承夫堂構俾無阻於莊達天  
梯月棧之鉤連頓成砥矢月斧雲斤之鑿削先集畚裡功旣徧  
乎梓鄉光並增夫華隰且以人歌袍澤地飭茭芻飛符則星火  
頻催遠資轉運解橐而鏐緝畢給寬備調支堅助金城裕通泉  
府凡

思不辱齋全集

外集卷三

三

恩施之推暨有義舉之傳流宜荷

絲綸爰彰閎闕動蜺旌之物色開熊軾之輝光者也說者謂季  
智棲鸞士元騁驥坂叱王尊之馭塗攀郭伋之轅莫不遠志翱  
翔前程踔躍假令蓮峯福星按部化雨隨車顯盤根利器之才  
宏作楫巨川之用寧不儲資韓范軼譽龔黃豈知宏景名高山  
林宰相鄴侯骨古巾扇神僊跡其遙羽鵠鳳耽心鷗鷺赤鹽白  
米周彥倫日用偏饒丹壁青厓張仲蔚起居自適而且以長輿  
之礪礪兼叔度之汪洋裴晉公與親弗通財千家舉火疏太傅  
爲子孫遠計九族散金暖送茅簷雪調馨於白粲清依芹沼風  
叶韻於青衫婦孺識其善人里邨呼爲佛子是則虛懷止水高



義薄雲展經緯以勒官箴堪垂銘鼎式楷模而貽士範亦拜衣  
冠其才具之過乎人實德基之存乎已以故材成杞梓器重璠  
璣溢王氏之三槐珍邨郎之一桂良田玉種慧海珠擎長膺九  
寺之銜躋棘槐而執法仲佐六條之化紹印綬於參軍或傳雅  
望於粉廊或佇華資於瑣闥莫不踰躑屣履頡頏簪紳軼韓絲  
雀戟以騰驤馳賈虎荀龍而遑厲看爾日聯肩

螭陛 華蜚鵲起之名知當時繞膝鯉庭詩禮佩燕貽之訓又  
況封胡過末旣錯座以玲瓏阿買衰師更排行而跳躍郎皆眉  
白翁未顏蒼不足潤蔗味以流甘貞松姿而却老也故茲開大  
門 屆長贏珠鳥緋袍映慶雲之五朶冰桃雪藕浮湛露以千  
思不辱齋全集 外集卷三 三  
航紅擢鋪雕卬以彬璘綠綉按朱徽而瀏亮君 不茂島唯  
而早揖羣仙我附苔岑扶鳩杖而同瞻九老景爲序



天然硯銘

嘉慶壬申

不雕鏤微礪砥形自然質而已涅且磨奚損彼伴文房壽無比

衰秘硯銘

嘉慶壬申新秋

剖從桂管新阡來綴文房舊譜裒然一帙參差任爾六丁追取

方田硯銘

遵矩截肪兮資良工聚藩盈匡兮上下同我行四方兮惟汝從

景星慶雲硯銘

景星之精助月爲明慶雲之色輪囷翕絕孕爲石友有文在首  
星爛雲霏似是而非一泓雖小黜然深窈綈几時陳允矣席珍

荷葉硯銘

古瓦山房珍藏

思不辱齋全集

外集卷三

三

爾質孔固爾形則圓田田一葉承露清妍體含溫潤用協柔堅  
爲君子使於萬斯年



陳靜山像贊

天地真氣峙而爲山體正以直神肅而閒我翁之德實與相參  
和光外溢異彩中涵阜峯隱隱桃溪潺潺翁雅慕之徜徉其閒  
攜琴挈酒時獨往還任天而動不踰大閑劍光花影佐翁雄談  
冰壺玉尺澄翁素顏僉曰此老仁者之班歛浩氣於方寸恣幽  
賞於空巖旣得意而忘象對碧岫以何慚宜其安敦乎汝止而  
自號爲靜山

思不辱齋全集

外集卷三

三

劉勝文像贊

冠儒冠服儒服外廟廊遠塵俗溪可漁園可劚芝可餐泉可掬  
著青鞵驅黃犢傲羲皇友潘陸撫孤松倚修竹時而風時而浴  
香一鑪某一局不逃禪不辟穀朝採柔蒔菊却紛華忘寵辱  
噫嘻斯人庶不失乎本來面目



劉可恭像贊

朗溪之原有客周旋其度魚雅其心靜淵春風和煦屐齒幾穿  
秋高月白載酒前川胸懷浩浩腹笥便便五車二酉恣其流連  
悠悠卒歲蒼蒼者天如斯人兮胡落林泉才豐遇嗇先民有言  
質之我翁寧曰不然

思不辱齋全集

外集卷三

三

墨農伯像贊

其貌甚偉其顏猶童襟期洒落辭氣謙沖醉鄉日月詩社宗工  
平橋古樹遠水遙峯揮毫落紙效法關仝環堵之室一畝之宮  
猗猗綠竹翹翹青松黃花秋馥桃萼春紅流水繞砌幽鳥鳴叢  
心乎愛矣徜徉其中優游杖履體固氣充孫枝秀茁克昌厥宗  
伊何人兮吾伯墨農



王母許孺人像贊

猗歟爲人四姓著族揚淑藹蘭挺貞凌竹巾幗典型貽燕式穀  
種宅蔭槐傳家環玉燕山蜚英鄂跌團簇孫復生孫珠纓翠褥  
含飴載愉以鞠以育五代衍祥八旬綏福雲旛星駟日歸西竺  
鸞書儲賁輝榮章服烏奕流光慶祐斯篤徽音千古視茲遺軸

思不辱齋全集

外集卷三

三

胡黎閣暨配程孺人像贊

宣聖契閔氏祇云無閒言論士重孝弟每自族黨閒惟翁率厥  
考篤行爲根源純孝具至性蚤歲能長遠服賈洗腆親  
心懼阿兄歎不祿遺孤影子然以養以教樹立俾無愆名掛  
孝友傳邑志稱其賢迺聞刑于化亦使婦德全相夫事舅姑潔  
滄笙陔蘭訓子更有方古籍勤鑽研好施久不倦用克享大年  
雍容瞻遺像以時肅豆邊我歌代祝詞世世觀斯篇



婺源留璞齋汪氏墨贊

易水良規隄廩舊格製尙月團珍稱香璧九子雙龍帳煙壺液  
攷厥佳品載在古籍黃山峩峩廷珪是宅堅玉文犀傳之自昔  
近惟星江函璞紹迹婉美龍紋摹形劍脊削木同泥墜溝疑石  
流播藝林如金斯惜

思不辱齋全集

外集卷三

三



祭余淡軒先生文

嗚呼蓋棺論定惟爭沒世之名沃酒言親敢負生前之約故碑傳有道雖幸大雅猶存而賦著平原竊悼良朋早逝惟我淡軒太老先生芝陽望族下邳名家少負聰穎之姿長擅淹通之譽拈題作賦時摘幼婦之辭潑墨臨書閒習夫人之字養成鱗甲寧屈池中豐以羽毛定翔天際乃羅珊瑚於網底竟有遺珠將蘊圭璧於懷中無妨獻玉而先生襟懷灑落得失不以關心詩酒雍容林泉從而適志平湖放棹尋仙登拍笑之亭絕巘扶筇攷古揭歲寒之石至若靈椿日黯老竹風清哀毀維真孝養益力歡餘啜菽人言賴有賢孫樂比含飴翁曰無違大父謝靈運思不辱齋全集

外集卷三

三

之述祖德別有淵源丁公雅之讀遺書不啻刀布箕裘克紹聿新寢廟之規詩禮相傳靡懈趨庭之訓在昔投簪歸養山號肯堂卽今指困推恩事惟續緒是以福由德致階環杞梓之材祥以仁徵膝繞鸞皇之彥當十二年而入貢望著成均越三千里以趨

朝書分秘閣克供乃職酬庸資半刺之階明試以功製錦近三關之地方板輿遠迓俾庶政有所遵循擬待鈿軸榮施庶春暉少爲報答何年未周甲子而歲適在龍蛇乍息征車遽聞凶問嗚呼人非金石信上壽之難期地隔燕吳宜哀賜之欲斷然翁爲有後固可含笑而歸則子匪忘親亦宜節情以處宋等生



下桑梓仰若斗山望丹旌以嗚哀招魂不返瞻白雲而灑涕  
緇無從敬陳薤露之章聊當生芻之束物誠不腆靈庶居歆

思不辱齋全集

外集卷三

无



祭楊養齋先生德配傅恭人文

嗚呼簾旌影斷愁聞夜半秋聲瑟柱絃僵獨對窗前明月感流  
芳於遺掛惆悵潘郎隔半死於重泉悲傷白傅蓋情深伉儷誰  
言廬杖之非而論著形生不羨鼓盆之達惟我養齋先生之德  
配傅恭人者清河淑女華族名媛穎能辨絃早歲著文姬之譽  
莊聞舉案深閨仰德曜之賢伴讀佐寒燈成新編於博議揮毫  
臨繭昏試舊格於簪花學未中道而歸竊擬斷乎機杼情或相  
對以泣豈終卧彼牛衣洎乎鴻鵠高翔驪騁步藁砧催夜色  
時憐紫塞先寒羅襪寄殷勤惟祝青雲穩步望長安之佳氣不  
問何處醉眠盼南浦之飛雲漫道郎君歸去魚軒遠赴勞無憚

思不辱齋全集

外集卷三

三

乎星霜粉署勤勤職兼任乎井臼衣何曾帛克成文子之廉裳  
弗加緣從識弟孫之儉隨朱檐於南詔喜乘兜竹而行被繡服  
於滇池恥爲沉香所累親承箕帚都忘翟芾之榮手潔蘋蘩足  
規羔縫之美但爲清白吏何妨菜茹以同甘矧有寧馨兒共覩  
芝蘭之競秀宜其揚清風於驄馬聿著徽音肇雅化於關雎永  
瞻壺範者矣何期瑤華不御膏沐徒零莫遂偕老之私遽賦斷  
腸之語嗚呼魄冷曇花之苑悵歸鶴於何年神棲琪樹之宮聽  
啼鶻之欲絕雖地違執紼徒嗟玉案迢遙然情切陳詞尙冀雲  
輶戾止一觴遠寓神其鑒茲



哭姑母文

嗚呼吾姑母其竟謝人事而遊真冥耶計承風之脂轄北轍也方自秋而徂春不獲侍動履問寢興纔十有五旬耳何哀鴻之嘹唳而凶問之倏聞嗟縮地之無術悵音容之莫親能無南望涕泣聲嗚咽而悽楚心震悼而酸辛憶昔姑母于歸迨吉之日承風以生母保抱而撫摩之已備荷乎恩勤及承風從姑父而問學年僅屬夫髫齡惟吾母之飲食教誨多歷寒暑與晦明故母之視承風也比諸猶子而特異而承風之視母也亦無殊侍色笑於萱庭方謂年未周甲繁祉正膺賦黃髮而偕老庶小子長得所親承豈期夢回炊臼二豎潛侵遽西歸而撒手永睽隔

思不辱齋全集

外集卷三

三

乎九京夫吾姑母之慈惠溫恭事尊嫜則克諧以孝相夫子則相敬如賓御僕婢則寬而有制字子息則愛而能均固已閨房奉爲軌法里閭播其賢聲至若儀酒食采蘋蘋謹出入劑虛盈有無黽勉尤曲合乎禮經故當姑父之壯也馳譽書圍結契藝林所居在城市四方之賢士大夫造其廬者流連杯杓初不厭夫供頓之煩仍及夫林泉選勝爽塏是更則相與陟在巘降在原覽形勢而相度不憚夫抹之隩隩築之登登迄今觀堂構之壯麗慶居處之萃寧人咸以爲姑父得遂田園之樂實賴內助之有人而吾母安不怠勞富不怠貧愈兢兢以勤儉自勵竭日夕而經營以是內瘁其心外徼其形始違和而羸憊尙收效乎



恭擬祭禹陵文

惟王道贊平成心傳精一子乘四載隨山奠粒食之勳帝錫九疇建極昭彝倫之敘納修和於府事廿二人莫與爭能貽典則於雲初四百祀從茲受命朕顧瞻河洛時切俾乂之情躬涉江淮屢厯疇咨之念奮庸而熙帝載師汝昌言成允以亮天工嘉乃丕績典勤巡守望封域而會計崔巍禮重報功展明禋而靈威赫濯備員敬告神爽來歆

思不辱齋全集

外集卷三

三



祭王半舫先生文

嗚呼先民有言嚮用五福悠悠斯人孰符心祝壽或偷時富或縱欲身雖康寧德乃不足如是而歸雖死猶辱繁惟先生皆備無惡年登耄老劭德受祿席厚履豐聰耳明目樂善不倦卑以自牧存順沒寧非翁誰屬溯自妙年不事馳逐弋志書林擷芳芸局几席丹鉛沉浸醲郁遠紹風騷旁稽圖籙怪牒幽經靡不畢讀修職庭闈孝慈雍睦姿儀濯濯天懷穆穆廓乎有容仁以爲蓄崇尚肫誠屏除繁縟闐然日章抑就邊幅庭蔭青槐居環綠竹念矢析薪情殷式穀集誠屏風談經家塾劣虎優龍停鸞峙鵠數合五芝才逾四玉被其薰陶俱成名宿或詠霓裳或吟思不辱齋全集

外集卷三

三

苜蓿或佐司空或備著錄接武聯翩不弛程督

天子酬庸封馳鈿軸寵以

龍文用彰教育三命益恭訓以忠篤欲然自視恥爲表襮桐帽棕鞵布衣龕服抱膝含飴媚茲幽獨東泉之源南山之麓駕言出遊扶筇往復春采芳蘭秋蒔丹菊鄰老追陪笑言諄復優哉游哉了無羈束方謂吉康期頤可卜誰云露薤瞥如風燭歲紀在辰文悲賦鵬里巷罷春匍匐往哭子舍傍徨菲杖歎粥痛比蓼莪感深風木謂天不弔奪翁何速鶴馭雲遙臨風躑躅旣載清醑薄陳野菽啣哀舉觴冀鑿情情



公祭劉罕峯文

嗚呼罕峯西江之秀彭城之宗厥原聳翠閭氣特鍾山隆其品  
水潔其容神完以裕德懋而充虛能受物謙以持躬未茲和粹  
發爲孝恭內庭肅穆其樂融融笥衣廩粟儉不自豐嘉言懿行  
樂與人同琢砢自勵學問日宗五車屬目二酉羅胸文奇而正  
詩窮益工書城獨制筆陣爭雄緬維良匠廣植喬松導以先路  
乘以長風圖南翮健冀北羣空征車在道偕計從公屠維干紀  
奮若支逢禮闈載啟多士登龍柳袍染綠畫囑搖紅金花乍報  
蘭譜旋通臚傳金殿

詔下九重乃佐司馬用贊兵戎視事古省夙夜靖共宋有王敏  
思不辱齋全集

外集卷三

三

齊有子琮口陳簿對莫與爭功景彼雅望步其芳蹤選重圻父  
上達

帝卿  何任藉以折衝胡天不弔遭此數窮殲我良哲不使  
奮庸嗚呼罕峯炯炯雙瞳花晨月夕屢相過從澆我茗椀招我  
詩筒竒疑賞析是非折衷鳳城之北禁苑之東歡遊未歇樂事  
正濃誰期過隙倏若轉蓬五旬初度二豎潛攻遽騎箕尾入主  
芙蓉空囊羞澀敝裘耗蠶剩有舊簡遺此幼冲故交零落憂心  
有忡一十五載渾如夢中時維長至序值嚴冬朔風鬻發淡月  
朦朧愁看白雪怕聽哀鴻入子之室書案塵封執子之紉鶴馭  
煙籠生芻是東酒醴是供靈其不昧鑒此情悰



祭徐筠亭文

嗚呼筠亭其長逝耶才士數奇仰天而嗟天子以德不予以年  
曾不四十遽隕重泉天界以名不界以祿官止省郎奪之何速  
人才之難自古所歎得而復失有淚沈瀾嗚呼君之德器博雅  
淵冲虛懷秋水卽抱春風君之孝友入事罔愆鄉黨宗族人無  
閒言君之文章足以華國珥筆西清淋漓翰墨君之政事始勳  
南省端服粉闈羣英引領以才若此以遇若彼需之歲時公輔  
可俟胡天不弔遂至於斯英雄氣短賢愚一辭嗚呼人誰不死  
亦各有私母老子幼君獨何之追維曩昔得侍同朝共敦梓誼  
讌會招邀曾幾何時恍如夢寐歲在龍蛇賢人捐棄先民有言  
思不辱齋全集

外集卷三

三

蓋棺  
沒世無稱雖壽猶夭君年則短君名則揚孰得孰失  
辨之宜詳南山奕奕修水滔滔遠莫能至使我心勞臨風舉觴  
同儕氣結靈如不昧鑒此清冽



祭熊學橋先生文

嗚呼天不憖遺奪我詞伯士類吞聲儒林減色痛比斯文瘁在  
邦國感念浮生真成過客繫惟先生閒氣挺出一代大儒斐然  
作述溯自妙齡學古有獲富以三餘養以六翮領解南宮馳驟  
冀北餅啖紅綾名題淡墨

天子延英詔通仙籍蓮燭分光承明倬直校理秘文親侍

講席清秩頻遷

簡書載錫使節遠持用揚沉抑澈彼冰壺量以玉尺如命憐才  
不遺餘力坐嘯冰衙家徒四壁面擁百城縹緗充積纒帙玉杯  
瓠史竹冊手自丹鉛詳加考覈擷藻摘華含英漱液天下文章

思不辱齋全集

外集卷三

三

推爲巨擘著作等身非同探撫賈竇自左發揮周易雅什千篇  
枝辭三刻洗盡鉛華冥心疏剔樹幟玉堂後學矜式歲月遷流  
歸思催逼乃賦遂初浩然退息故舊追歡琴尊自適鹿洞傳經  
貫道門闢士挹春風不懈訓迪五老開顏相視莫逆維楚有才  
仰承墟植南嶽擎天欣然躡屐直上千峯披尋神蹟法物摩挲  
螺書青碧奚囊一編人爭購覓曳杖東遊宏施麗澤老至不知  
敏求自策惟仁者壽聿徵平格綠髻長松蒼顏翠柏何圖今春  
二豎見厄召赴修文悲深撤瑟絳帳風寒講堂月白弟子倉皇  
賓朋悽感我思先生立言作則傳之名山百世不惑雖死猶生  
孰失孰得況有達人用徵明德竹奮霜蹄載搏鵬翼繼武蓬瀛



不効清績脫手西歸云何不憚惟是羈棲未返故宅夢奠兩楹  
誰與易簣聞有賢孫執硯侍側視含歔歛五中惶迫尺書告凶  
千里匍匐旅櫬迢遙泉臺永隔準以恒情能無心惻嗟乎丈夫  
達觀原無畛域天地吾家四海吾室全受全歸何爲於邑寓誄  
斯言試與共質先生有知其然乎不

思不辱齋全集

外集卷三

三



上田祖禱雨疏

蓋聞禮隆八蜡首崇先嗇之文書紀六宗特詳水旱之祭翦髮  
斷瓜殷湯躬代犧牲自郊祖宮周宣靡愛圭璧蓋天天偶及雖  
盛世不免無憂而人事未修惟神靈乃能有赫邇者鬱儀肆  
羲和揚威非無觸石之雲難望崇朝而傾注亦有離畢之月何  
嘗從好以滂沱霖斷露晞曠野無綠草枯泉竭尺地皆黃酒血  
汗於車頭悲歌澈夜掘清泉於澗底爭汲沿邨地确确而圻龜  
甘霖既乏於夏半風颯颯而嘯虎帝澤復靳於秋初雖曰天歿  
良由人事苟不懺愆而悔罪曷能捍患而彌災恭惟闕下功止  
生民祀崇上世鴻慈普覆允矣聲靈赫濯之休睿德覃孚皇哉  
思不辱齋全集

外集卷三

三

美大聖神之號八荒邈帝宥寒燠惟恒九有沐仁風雨暘時若  
固已家尸戶祝祀無不虔秋報春祈禮有備至者矣茲值鸞輿  
下賁祥雲與旌旆齊輝龍馭遙臨瑞露同江淮並渥策無爲而  
布澤禾之偃者盡甦驅河伯以流膏苗之秀者皆實馨香載道  
昭降格於豫寧俎豆維新丕式臨乎古艾謹涓吉日同表微忱  
寅具香供共扳帝座伏願憫斯赤子無煩呼蜥蜴而舞泥龍矜  
此窮簷佇看舞商羊而浮朱鼈鑿五政之無失霖雨遍乎郊原  
指十日以爲期農歌譜其樂利是則三時不害野可無庚癸之  
呼百穀用成室具有盈寧之慶澤延百里羣仰神靈恩被千門  
永霑帝德矣



田夫禱 并序

戊戌歲旱自夏徂秋連月不雨禾死泉竭巫祝相屬於道而卒無一應鄉人憂甚具雞豚賫香帛匍匐百里迎靈星帝主於武寧而歸祀之神至三日雨鄉人猶以爲未足於是涓吉伐鼓刑牲再拜以荅神惠且復冀其澤之滂沱也而命予爲文以獻文

曰

維歲著雍厥名闔茂

皇上建極聖德日懋五政無愆萬物共覆澤溢山陬膏流封垓十畝閑閑民生以厚樂我田疇飽我飴餼于耜舉趾阡陌邂逅漠漠水田秧針綠皺旣耘旣籽實發實秀紫陌鋪青平原錯繡

思不辱齋全集

外集卷三

甲

出作入息扶老攜幼盃酒蹄豚以祈神佑滿篝滿車願言秋收舒款夫何昊天不我能畜杲杲日出日掃厥氛與霧同音茂露不成

珠雲不出岫重湖久封飛泉斷澗芑芑黍苗僵焉盡仆夫嘆婦啼憂心憐憐去聲春停於夜纒停於晝奔走司巫勞動太守雩舞徬徨莫之或救民思悔禍用迓田祖滌髓輸誠牽牲伐鼓皇皇

后帝照臨下土龍馭所之三日其雨滋我芑邱灌我荒圃焦者以甦偃者以樹悲者以愈上自薦紳至於商賈若崩

厥角權忻鼓舞荷神之庥思木多祐咸曰種稔日至將熟下者塗泥陂塘水足苗也懷新勃然花簇睭兹高陵宵焉空谷一日膏之十日以暴天澤旣停泉源不續溝塍圻龜嘉禾僵覆惟爾



有神尙其膏沐亟命雨師曠此晴旭漏天賜注益以霖霖庶幾  
年用成百穀裕我蓋藏輸被官粟俯畜妻孥上勤司牧以迓  
祺以介景福率時農夫佇俟灌沃伏惟神靈鑒此滄獨

思不辱齋全集

外集卷三





